

ut naviculas submergat. *Rostro* est brevi. *Fistula* caret. *Corio*, duro, nigro, integitur, sine pilis, cui lepadēs, et ostrea haerentia aliquando reperiuntur. *Internae partes*, veluti in Delphino. In ventriculo mucus, spuma, aqua, alga foetida, ambra inveniuntur, ut exinde carnivoram non esse colligas. Vitulos vivos parit. Carnis nullus in *Cibis* usus, sola lingua commendatur, sale condita. Viginti tria saepe vasa ea im-

plentur. *Μυσικήτων* Aristotelis esse, vel exinde colligitur, quod pro dentibus setas, quibus intus os hirsutum est, habeat. Plinius musculum marinum bene dixit, sed pro duce Balaenae male posuit.

PHYSETER, qui et *Phyfalus*, *παρὰ τὸ Φυσῆν*, id est a flando dicitur, quod copiosiore aquarum eluvie praecaeeteris efflare scribatur. Gesnerus eundem vel saltem affinem cum *Pustii*, qui *πρῆσις*, *πρῆσις*, et *πρῆσις* dicitur, facit, quem vide. Diversum esse a *Phyfalo* maris rubri, ex descri-

ptione videre est. Magnitudine hic adulti Gobionis, sine ore, cum branchias tamen habeat, perniciem ei qui gustaverit creat. Intumescit enim, tandemque ventris profluvio vita finitur. De *Descriptione* inter auctores non convenit. Plinius ingentisque Solinus super antennas navium velis quondam diluvium eructare addit, quod Strabo commune cetis in mari extero circa Turdetaniam facit. *Tur-*nerus portentosae magnitudinis cetum facit, et singulos se eorum tantum aquae e fistulis, quas in capitibus habent ejaculantes vidisse, ut singuli singulas naves aquarum copia in profundum submergerent, adjicit. Bellonius hoc solo a Balaenis differre, quod nullas praetenturas habeat, neque tam vasta corporis mole, figuraque sit magis tereti. Rondeletio est ore maximo, dentibus acutis, ferratis, lingua carnosa et magna, fistula longe quam reliquis crassiore, pinguedine multa.

ARTICVLVS III.

De Puste et Orca.

Pustes a secando, quod perniciosissime natet, dictus est. Perperam a Bellonio capite vasto, rotundo, et cacabi figuram exprimente describitur, quo modo namque aquam velociter fecaret? Rondeletio est rostro, valde longo, osseo, utrinque aculeato. Aculei validi sunt, et Delphinorum dentibus similes. Aloysius Cadamustus ferram aquaticam vocat, eaque in assamenta secari ligna scribit. Clusius ipsius formae ratione inter Galeos seu caniculas reponi debere affirmat: eumque ita ex pictura describit. Erat hic piscis, inquit, corporis forma et colore Galeorum generibus, aut Caniculae Aristotelis valde similis: nullis tamen maculis ut illa, conspersam cutim habens, perinde tamen rudem, et instar Zygaenae cutis asperam, fusci in dorso coloris, in ventre candicantis, et sex pinnas habet; in lateribus, medio videlicet paene corpore binas,

etc. Caput in longum et angustum, planum et firmum rostrum porrigebatur, utrinque cum iis dentibus, sive osseis firmisque et rectis spinis, ex adverso sitis ferrae instar munitum, viginti vel etiam pluribus, etc. Binos oculos in prona capitis parte habebat, binas nares in supina, et infra illa oris scissuram, ut *Zygaenae* fere transversam. Reperitur plerumque in Oceano occiduo.

ORCA Latinis a vasis olearii aut vinarii similitudine dicitur. Quod nam apud Graecos habeat nomen, vix compertum, nisi vocabulo *Orygis* apud Strabonem, quem in mari extero circa Turdetaniam, ponit, veniat. Bellonius *ocrynum* *Oppiani* esse credit, sed perperam. Thunni enim hic genus maximum. Delphino est corpore toto vigesies crassior, potissimum circa ventrem: Toto tergore atra, ventre ex albo ro-

Ee

seo,